



## **Aningaasaqarnermut Naligiissitaanermullu Naalakkersuisoq**

**Ulloq:** 20. september 2022  
**J.nr.:** 01.31.06/20-00996

### **Aningaasaqarnermut Akileraartarnermullu Ataatsimiititaliap pingasunnornermi ulloq 21. september 2022-mi aalajangiineranik Naalakkersuisunut ilisimatitsineq.**

**Nunalerisunut immikkut nerukkaatissanut naggorissaatissanullu aningaasartuutit  
qaffannerisa kinguneranik immikkut tapiissuteqarnissaq Ataatsimiititaliap suliaa nr.  
01.31.06/22-00996.**

“Naalakkersuisunit **inassutigineqarpoq,**

- AI2022-mi kontomut pingaarnermut 73.04.01 *Nunalerinermi aningaasalersuinissamut tapiissutit* aningaasaliissutit 2022-mi 5,0 mio. koruuninik amerlineqassasut.
- 2022-mut ilassutitut aningaasaliissutininut inatsisissatut siunnersuummi kontomut pingaarnermut 73.04.01 *Nunalerinermi aningaasalersuinissamut tapiissutit* nassuiaat ilanngunneqassasoq.
- AI2022-mi IST-p inernera 5 mio. koruuninik ajorseriartinneqassasoq.”

### **Aningaasaqarnermut Akileraartarnermullu Ataatsimiititaliap oqaaseqaatai apeqqu- taalu:**

Naalakkersuisut inassuteqaataat siuliani allassimasut ataatsimiititaliamit qujassutigineqarput. Suliamik suliarinninnermi Nunalerinermut, Imminut Pilersornermut, Nukissiutinut Avatangiisinullu Naalakkersuisoq ataatsimiititaliamit siunersiorneqarpoq, tamatumani suliaq pillugu ataatsimiititaliap apeqqutini akissutissarsivai.

Aalajangiineq matuma kingulianiittoq suliaq pillugu ataatsimiititaliami assigiinngitsunik isummernermut ersersitsisutut isigineqassaaq. Tamatuma saniatigut nunalerinermut inuussutissarsiuutit ungasissoq isigalugu pitsaanagerusumik ungasissumullu isiginerusumik ineriartortinneqarnissaa ataatsimiititaliamit nalinginnaasumik kissaatigineqarpoq. Inuussutissarsiuutit imminut napatissinnaanerunissaa pisariaqartinneqartoq ataatsimiititaliaq isumaqarpoq. Kiisalu ungasissumut isigisumik aningaasaliissutit pitsaanagerusumik aqunneqarnissaat pisariaqartinneqartoq ataatsimiititaliaq isumaqarpoq, taamaaliornikkummi ilassutitut aningaasaliissuteqarnissamik uteqqiattumik qinnuteqartarnissaq pinngitsoorneqarsinnaammat.

Ataatsimiititaliami ikinnerussuteqartup Naleqqap ilaasortaataata Naalakkersuisut inassuteqaataat akuersissutigisinnaanngilai, tassungalu atatillugu ima ikinnerussuteqarluni oqaaseqaateqarluni:

*”Tunnngaviatigut savaatillit ingerlalluarnissaat soorunami Naleqqamiit soqutigivarput, taamaammallu taperneqartarnerat aningaasamik inatsit aqqutigalugu ingerlanneqartarnerat peqataaffigisarparput.*

*Maannakkut Neqi A/S annertoorujussuarmik tapertaarneqarluni akiliisinnaajunnaarluni inissittussaagaluartoq suliffeqarfiusuuguni ikiorserneqartaarnera tapersorsortar-nikuuarpur, tamannalu KNI pilersuisoq-mut aammalu minnerunngitsumik Polar-Oil sinneqartoortaanik atuisunut atugassaraluit Neqi A/S-mut nakkartittaaginneqarlutik atuisut nunatsinniittut annertuumik aallerfigineqartaarnikuupput.*

*Aalisartut piniartullu taamatullu ilinniartut, utoqqaat aammalu sulisartut akissar-siukinerusut ilungersunartumik inissittaartut ikiorserneqartaaratik inissisimasut aqqu-saartaarpagut, taakkulu toqqammavilersukkamik qanoq iliuuseqartoqarnissaanik nilliaateqartaaraluartut qiviarneqannguaratik taperneqannguaratik inissisimajuartut aaqqiiffigsarnagit inissisimaffigineqarnerat akuersaarsinnaanngilluinnarlutigu maan-nakkut aaqqiineq tapersorsinnaatigu ikinnerussuteqarluta oqaaseqaateqarpugut akuerseqataaniarnata qinnuteqaatimut.”*

Ataatsimiititaliami ikinnerussuteqartup Demokratit ilaasortaataata Naalakkersuisut inassu-teqaataat akuersissutigisinnaanngilai, tassungalu atatillugu ima ikinnerussuteqarluni oqaaseqaateqarluni:

*”Demokraatiniik paasilluarsinnaavarput Ukraine-mi sorsunnerup kingunerisaanik ne-rukkaatissanut naggorissaatinullu akit qaffannerisa savaateqartunut unammillernar-tuusoq. Taamaattorli naalakkersuisuniik aningaasat qinnutigineqartut akuersinnaan-ngilagut. Isumaqarpugut nunalerineq savaateqarnerlu inuussutissarsiutinut allanut sanillersuunnerusalertariaqarigut, niuffaffittullu ingerlaarneera qitiusumiik akuleruf-figinikinnerusariaqarlugu. Aaqqiissutissat tamakkiinerusut ujartorneqartariaqarput ilaatigut qulakkeerniarlugu savaateqarneq qanoq innuttaasunut iluaqutaanerpaasin-naanersoq.”*

### **Aningaasaqarnermut Akileraartarnermullu Ataatsimiititaliap aalajangiinera**

Siuliani allassimasunik oqaaseqaateqarlutik Aningaasaqarnermut Akileraartarnermullu Ataatsimiititaliami amerlanerussuteqartut Inuit Ataqtigiiit aammalu Siumup ilaasortaataasa Naalakkersuisut inassuteqaataat **akuersissutigaat**.

Inussiarnersumik inuulluaqqusillunga

Hans Peter Poulsen

Aningaasaqarnermut Akileraartarnermullu Ataatsimiititaliap siulittaasua